

84/2 Пог = 1025)
K
137

Еремей Айпин

«ВЭРТЫ АВЭЛ»



Б/Н-1

Еремей Айпин

«ВЭРТЫ АВЭЛ»

К 136) 84(2Рос = X2T)

Ермен Аппи

«ВЭРТА АВА»

К 136

Б/М-1

ЕРЕМЕЙ ДАНИЛОВИЧ АЙПИН ХАНШАС МЕТ ОЛАНГ ХАН-
ТЫ ЯСАНГН ДРАМАТИЧЕСКОЙ ПРОИЗВЕДЕНИЯ «ВЭРТЫ
АВЭЛ». ТАМ ХАНШУПСЫ ПОСН РАХАЛ КОРТАН, ВОШАТН
ЮНТТЫ, ВАНЛТАТЫ МИРА ЛУНГАЛТУПСЫ ИТЫ. СЯТА МИР
ШУВАЛАЛАТ СОВЕТСКОЙ ВЛАСТЬ ОЛАНГ ХАТЛАТ, ОЛАТ.
ДРАМАНЫ ВОЛТЫ ЯХ ЗАХАР ЛАРЛОМКИН, ВОИХ КИНЦЫ КО.

АКСИНЬЯ, Лув имил.

МИКОЛА, лын похин, хут — лапыт ол кем.

ФЕДОР СУЕРИН, вэрти партизанат командир.

КАТЯ, нэпек унэлтыты нэ.

МИХЕВИЧ. Суерин ики, vormex воих кинцы ики.

НЕЛХЭТТЭМ КО, Андрей нампи партизан.

ПАРТИЗАНЭТ.

АТАМАН, Тетюцкий Иван Семенович, макехэ чурас ко.

ПАУК, луват лахэлты вон коил.

ТОМКА, почэл ави.

ПЕТРУХА.

ДУГИН.

БАНДИТЭТ.

Василий. Акси́нья мони, воих кинцы ко.

ОЛЫНГМИТ. ко.

КИМИТМЫТ ко.

Тэм вар Октябрьской революция пырны воих кинцы ко ту-
лых котны вул.

ПРОЛОГ.

Вэрти авэл вэрти флагнат пытыхлэм тахии ат, Пурги вот
суй, вонт юхэт — сомыт суй. Воих кинцы ко сцена улты мэнл.
Партизанэт кохэллыт. Вэрти авэлпытыхлэм тахинам пэнт, мы-
та мари волым пырны ос ат. Ос воих кинцы ко юхэт, чут пыр-
ны партизанэт. Инам тул нам мувэ мынлэт, Пытхахлэт. Сцена

то нок кутыллы, то пытыхлэмны вылы. Нэви паны пыхты нюла
выхэлхэн.

ОЛЫНГМИТ ко. Вэрты авэл флагнат вонтытявныт кухэт юл!..

КИМЫТМИТ ко. Муват вонтыт-явныт уннам вэрты авэл пу-
рахтэлтэх?! Муват?!

ОЛЫНГМИТ ко. Лув тыт волты яхкэнглатнам Вэрты Ют,
Йилэп Мурт тул!

КИМИТМЫТ ко. Кояхия чу ийлэп мурт?! Кояхия чу вэрты
ют?!

ОЛЫНГМИТ ко. Ийлэп мурт воих-кул кинцы коя! Вэрты ют
велы-воих лахэлты коя!

КИМЫТМИТ ко. А чорас коя мувылы?! А чэрты коя мувы-
лы?!

ОЛЫНГМИТ ко. Вэрты авэл чорас ко илы китл! Вэрты авэл
чэрты ко илы китл!

КИМЫТМИТ ко. Кулны мырлат ях чорас колых, чэрты колых
воллыт?! Кулны воллыт?!

ОЛЫНГМИТ ко. Вэрты ютны мылат ях ар атымицэки нок
вылат!

КИМЫТМИТ ко (кэцалта). Вэрты авэл вонт унт койхэта палт!
Лянгкэс вонта тыпэл! Вормэх явныт-лорыта ракэнл! Ухэр ра-
пэткусигалэтны цуклэх мынл! Вонт унт койхэта палт!.. Палт!..

ОЛЫНГМИТ ко. Энта!.. Рахпынг кол — энта палт!.. Вэрты
авэл вэрты флагнат вонтыт-явныт кухэт юл! Вэрты авэлны:

— пумынг катл!

— нэви атэр!

— оянг лэкэт-охтэт!

Вэрты авэлны:

— им архэт, им моньчэт!

(Нялкэм суйнат). Вэрты авэл вэрты флагнат вонтытявныт
кухэт юл!

КИМЫТМИТ ко. Койхэта палт...

ОЛЫНГМИТ ко. Энта!..

КИМЫТМИТ ко. Колт...

ОЛЫНГМИТ ко. Энта!..

Кимытмит ко. Ылы ляллы...

ОЛЫНГМИТ ко. Энта!

КИМЫТМИТ ко. Ылы ракэнл..

ОЛЫНГМИТ ко. Энта!

КИМЫТМИТ ко. Кояхи?! Кояхи тэм вонт-нерым мэхнам кит-

эм вэрты авэл?! Кояхи чу ко, кояхи?!

ОЛЫНГМИТ ко, Ленин!..

ОЛЫНГМИТ ЮТ

Воих кинцы ко суцынг тулых кот. Пэхи кот палыкны чувал. Ным волы оллынгны арпыкт куцмыц, кэрхэт — уцыт. Волы охты тунтэхат ларымты. Кот мул яцыны — яган. Ут волы олынгны мустымин уты поным олты-омысты утыт. Сакат лэвэнгкем. Пунгыл волыны анхэт-савныт, раки кирэх цоп, ингки ведро, нурынг савныт. Ай волыны пугыт-толыт, лэнт-пэньт. Нормыт охтыны ичи арпыкт тунхэт пай юх анхэт-савныт. Кот мул яцыны торым кор. Чут ылпалыкны пойтэк лисыт, явэл юнтэх, кат вондэр нелхэи. Сур юхкэн охтыны ий корэп оскал пецхан.

Ут волы оллынгны АКСИНЬЯ вармин омысл. Нирхэи ёнтэл. Кучигелны ингел, коплэт, уты кэрхэлэт. Лув кучигелны васэх нюлытнат МИКОЛА енгхал. ЗАХАР нимыл вармин омысл. Лув кучигелны пур, волтэл, сотпи карэ, ийми путэлы.

ЗАХАР. (Кот кун выснам аунгрэмтэх). Тэм торым ийпыхр нырэты. Топ пурги, пурги... Тэми мувынам номсэл атэмхи их? Чиминт пуркэнт ол энта номлэм. Энта номлэм. Тэм сувысны ицык амнат воих кинца энта тэрымлы. Чены понлытэх кунты, цохт чуким кулхи ил — топ нимыла курымтылы. Нимыллы кулиам? Пурги, пурги...

АКСИНЬЯ. Ницы чит им? Ис ях ясынгны, ийлэп цохт он тул.

ЗАХАР. Ои-я он Чены. Энта Нум Торым мыта латны улынг и ханты ко ясынгнам колымтэхэл. (Ос кот кун выснам аунгрэмтэх, алы мыта мытлы тут вул). Улынг воих-кул кинцы конам ийпа колынтэхэл. Чут улынг вуйтэх, мувылыат луваты ях-кенглат курымтэх...

АКСИНЬЯ (кангэмтэх). Курымта — кунтэхлэлтэх!.. Лув Инэл цевк олны ма коллам-ясынглам кунтэхлэх? Номлэ, мув арет им кол, лилль кол аслэм?! Кунтэхлэлл? Колэм невремем энтэмки их! Ий олны! Ий катэлны!.. Мув арет сам ингкам пурынтыты ут охтыя пйт?! Мувыны ма милль коллам, ма мул коллам куитэхлат?! (Кот куннам аунгрэмтэх). Энта кунтэхлэлл — самты пэллэх их! Чу латны топ ий ко тарым вул — Паук Гаврил! Алы колынг лэх-лэхтэх, нялты утат лэйлмин. Лын чорас конат рак вина ляхэтмин лайэхкэн, а мыиг лук цукэт кевыртмин вулуз. Кул лух порса невремлам кица савэнгкем... Лув кот вул (кот кунам аунгрэмтэх) ма невремлам энтэмхи итим латны?! (Аксинья суминтах почнат сам ингк илы монглэп).

ЗАХАР (ласк лулнат). Я-а, мос...

МИКОЛА (ангила кэрэмтэх). Анги, анги, куты ихэн?..

ЗАХАР. (имилнам). Нверем нок канькэмтэлэн...

АКСИНЬЯ. Мэна, ай, ехна! (Похэл авмэхтэх, ох пыталы нял-цептэхэ). Енха мэна!

Кемын амп курэхтэх.

МИКОЛА (нялэкмин). Харгур ропэсл. Моц ко юл. Ма лэйл-лэм, кояхи!

АКСИНЬЯ. Лэйлэ. Топ молэпси ломла.

МИКОЛА. Котты молэпсем? (Молэпсил илмэхтех).

ЗАХАР (кем суйнам колынтэтэл сахет). Чака энта тэрэмлэн, Микола. Пасты моц ко — лапынга юхетмал сечл.

Кота паста лавнг Аксинья мони Василий, айм-китым воих кинцы ко.

ВАСИЛИЙ (кацынг конат пэча варл). Пэча вола, опи!

АКСИНЬЯ (котэл нурт). Пэча, пэча, мони!

ВАСИЛИЙ. Пэча вола, вунг-ики!

ЗАХАР. Пэча вола, ай-ики!

ВАСИЛИЙ. Пэча вола, ай ко Микола! (Ох пыталы неврем нялцеп).

МИКОЛА. Ангкем ястыл, сорка ма инэлхи илэм!

ВАСИЛИЙ (ылы суц охтыя ымыл). Чены-чены, Микола — сорха, инэлхи илын! Ит инэл мурт, инэл ют нок ат! Чи ясынг нынг энта кулэтны?!

ЗАХАР. Чача энтэм мыта ясынг колмив. Кухэн моц ко энтэм вул.

АКСИНЬЯ (каньпахлэммин). Мув вар ос панам их, Васи?! Мув им кол, атэм кол?! Мув ляль вар нок ат?!

ВАСИЛИЙ. Чака ал имнам каньчекинта, опи! Вуты ях ясынг-чит мытты им кол... Нэви ко нилы поны!

АКСИНЬЯ (энта тунгымтэтэх). Илы поны?!

ЗАХАР (энта авэл). Чут кулны?! Чут муват илы поны?!

АКСИНЬЯ (ичи авэллэх их). Мувтахим... илы поны?!

ВАСИЛИЙ. Чу ноптэл мари олмал тахни илы поны. Мытты, инам лантты-помты? Чу савыл-вичэлпи мытты — у-ух! — лей-лты тахи энты тоял!..

АКСИНЬЯ. Онта чены — олмал тахии нок варыхты паны илы поны.

ВАСИЛИЙ. А-а, илиам явты!

АКСИНЬЯ. Паны кулнам явты?

ВАСИЛИЙ. Мынгантнам явты. Мытты. Тобольск-воннам тулы. Имилиат паны невремлалиат. Чу арпыкт преглал нытан, кави нарым кар ухэл Кота омытлат. Чимнит омысты тахи лыхаты аръялы.

АКСИНЬЯ. Ос невремлал муv преглал пытан тухи омытлат? Лых мыта грег бы тойлыт, невремыт?

ВАСИЛИЙ. Кояхины вулы? Лых туха варил сорха нок аръяллы — тойлыт мыта грег муvы энта..

АКСИНЬЯ. Чимнит ясынг...

ВАСИЛИЙ. Вот чимнит Юта юхтун! (Няхал).

ЗАХАР. Муvылынят няхлен, Васи?! Ит ос чу Нэви кои мавылат кояхи питл?! Кача ястэ. Кояхинам мынг омыста илуv?! Чу торымлых конных кулны воллы?! (Кансахэл пэчэрта рацых).

ВАСИЛИЙ. Мыта урнам воллы. Вэрты Кон ют, ит мытты, юхэт. Ях ясынгны, чит кеняр ях кон. Кул-воих кинцы ях кон. Ит луватынам омыста илуv. Лув кацынг вар мавыла питл!

Аксинья пысан омытл, монил шаят понл. Чу ко лыта ымыл. Имехин-икехин мыта мари суплых омыслэхэн.

ВАСИЛИЙ. Вот чимнит колыт воюи тулэм.

ЗАХАР. Чу илэн кон намыл муvылы?

ВАСИЛИЙ. А-а, намыл — суил. Нэви Кон вуем намыл — суил — Миколай вул. А тэми Кулны?

ВАСИЛИЙ. (мыта марн номыксымал пырны). Вэрты кон нам энта тоял. Лув намлых.

АКСИНЬЯ. Чут кулны? Ницы, нунг намыл юрыхлэ?

ЗАХАР. (алы ох яврэкки нюхтэх). Туха руvмыа нунг, Васи. Чут муvсыр намлых кон? Куц Нэви, куц Вэрты, кон, а нам тойта луваты муvтыл.

ВАСИЛИЙ. (ос мыта мари номыксымал пырни, виккетэх). Номлахтэм!. Чу арет ай кол — ухэмны инам нй сыкки ихэт! Ит помлахтэм, лув намыл — Совет! Ит Нэви кон мавылат Совестькая власть! Вот чены сахет!..

ЗАХАР. (нячилэкки). Паны муvылы курасив... чи.. Ссс... Со-вет? Ссоветская власть?! Вуе кунты — я ястэ.

ВАСИЛИЙ. Чу Совет — чит Вэрты кон. А чи Советны энты ий ко, а арх ко. Воцпы вулым, чу Совета янгкилым. Вуем. Лув ит охлыта рангипэх. Тут топ кеняр ях. Чорас ях, пови-туцыт чу Совета энта выят. Вот чены сахет волты вар. А Со-

вет ох кохе Арсений — нки пит. Ит воцны лув кичимпыр инэл ко! Инэл юр!

ЗАХАР. Чу ма Арсений-икем? Ма луксем?

ВАСИЛИЙ. Лув-лув. Каторжник. Чу Нэви кон пиэл воци илы китым Арсений-ики луксен.

АКСИНЬЯ. Ох, чит лувны чу Инэл цевк олны мынг нок архитоюв. Лув топ мынгаты юхэт. Топ нэвремлэмэн нок архалхыты Ким уже энта туит...

ЗАХАР. Кантэх конам имат им вул. Им номсэн ко вул.

АКСИНЬЯ. Лувы улынг оянгки-талангки волт!..

ЗАХАР. Лувы мустымни волт...

АКСИНЬЯ. Чу номсыл — колыл пытан яхны «нкехи» тойта вари. Лув вылэ энта ысех ко, кулха айм — кнтым.

ВАСИЛИЙ. Чены-чены, опи. Чу Совет волты, Арсений ики омысты кот нумпия вэрты тас пул эхты. Намыл — флаг.

АКСИНЬЯ. Чут ос муv вар пытан тухэ эхты?

ВАСИЛИЙ. Арсений-ики ястэл: Нэвн ях ют тэрэм, а ит Вэрты ях ют нок ат. Сарины маки тасынг чорас ях ют вул, а ит кемяр ях имхи волты мурта питуv. Чулат вэрты флаг нок чи эхты.

ЗАХАР. Паны чу ястытылны, муv мари вэрты ях охлытахи — сарлытахи аръялат? Муv муртат аслат?

ВАСИЛИЙ. Арсений-ики ястыл: ий сонгнам. Ий пыхр. Чиминт коллал номлым.

АКСИНЬЯ. Самты, чит сары ют? Лув имнам кол ястыты вар энта туй.

ВАСИЛИЙ. Сары-сары. И флаг нампи вэрты тас пул ичи энта имнал нок эхтыт. Ма чены номыксылым. Паук Гаврил вуем. Чака, алы айки их. Лангты высны — лотны ярми. Суйлых-кийлых воц кор кухет ромсалтэлтэх. Вэрты флагнам ангриел. Унтэл имат атэм курасив. Чи вэрты таснам той энта луктал тахи. Энта выс котхэл энта юхетлэхэн. (Няхнат). Чака Пауке ос энта оихтылэинам алы па коя пилэхты.

АКСИНЬЯ. Вэрты от, кимын, луваты энта мустал, (Икилнам кирехлэх, нях мучингнат их). Нунгаты кухей кот нумпия вэрты тас ыхетты ким вар вул. Чу Паук вэрты оты пытэл. Чут улынг ицык ванхэ энта юв. Муват сар чи вар энта вуйтуv?! Чи сахет кунты, вэрты от лунгкет кича кемынг, а?!

ЗАХАР. Эш-ш-ш, лунгкет ал нюхалтыла. Цыки им энта тойлытпи кунты, чу Мавылат, лых атэм варпи энта варлыт.

Лувь кот курнны воллыт. Мынгаты панам вар энта варлыт.

ВАСИЛИЙ. Чорас ях ичи самты котлала канимтэт. Энта вуем чуминт мыталы. Арсений-ики ястэл, охлымил — сарлымил вар тэрым. Пытыл юхэт. Тасил — вохил кеняр ях сахет архи поилы. Кул кницы коясойнэт — колнэт, оянг соит-урит. Вонх кинцы коя — им лыхлэнг-кулэнг вонтэт. Вели лахэлмин волым пастукэта — велит паны лантэнг каймыт. Чорас ях иты, черты яха иймытлыпи энта питл... Вот чиминт Совет воины нох ат!

Василий шай яньмал тэрым. Нок люль, молэпси охэл нок пон, энпэл варыксыта рангинэх.

ЗАХАР. Паны мэнсэн? Ос мыта мари умсен улынг, ар

ВАСИЛИЙ. Чака ма пытхахлэм. Совет паны революция иллы ясынг сорха воих — кул кинцы ука юхтэнтыхта мустэл.

АКСИНЬЯ. Чут ос кояхи.. Ррр... Ре-во-лю-ци-я?

ВАСИЛИЙ. Тэм ингкетмыхэты вэрты авэл юл. Лув нынг кутыпа юхстл. Чу латны нынг тунгымтылэтны, чут мувылыт «Совест» паны «Революция». Чут кояхи — Ленин! Вэрты авэл им ончунь тул. Лыхлытны вэрты авэл!..

АКСИНЬЯ. Им улым, им улым, мони. Еилам — яхлама печа кол туха!

ЗАХАР. Им улым! Оянги-таланги!

ВАСИЛИЙ. («им улым кол» мавылат). Вэрты авэл лыхлы тэх!

ЗАХАР. Курымтэлув, кача мувылы чут.

АКСИНЬЯ. Лахеллытув, лахеллытув.

ВАСИЛИЙ. Лыхлэ, инэл ко Микола, вэрты авэл!

МИКОЛА. Лахэллэм, лахэллэм!

АКСИНЬЯ. (Миколанам). Мына, моц, ко мынты тахи лэйла. Кот он кырыхта.

МИКОЛА. (нялэкмин). Молэнси? Котты молэпсем? (Аксинья луватынам молэпси нурт).

ВАСИЛИЙ. Им улым!..

Василия кемнам мэн. Лув пырылы и Микола нурэхтэх.

АКСИНЬЯ. Вот чимнит ясынг!.. И Васи монем па кура-сивхи их. Маки имат няч вул, саранг нюхахэх. А ит алы мыта нок варыхлэх, копыкке их Паны Совет иллы кол тухмин явныт-вонтыт кухет аслэмтэх.. Ос нуиг мув кол ястэлэн? (Икилнам кирехлэх).

ЗАХАР. (канса куцмылтытал сахет). Мув кол?.. Вот чимнит варыт....

АКСИНЬЯ. «Варыт, варыт...» Омыста кница, воца янгкылым кунты. Ницы имхи нунгаты питл. Мув мари Паук охат понлэ? Мув мари? Лув унэл — кичимпыр воих сох-нюр нок был. Лувэнта кыреклыл. Охат ноимин энта авелл.

ЗАХАР. Лув чулат, кимен, сувыены энта юхет. Энта тэрым...

АКСИНЬЯ. (пытпыснат). «Энта тэрым?..» Чит чака Советны.. энта асэллы. Совет энтэм вул кунты, лув чака маки тыт улыс!

ЗАХАР. (Канса мулем асылмал пырны). Ит ийлэв власть юхет... Совет, Революция. Читки мувылыт? Мыта торымы тыхнам питым утыт? Цомы курымны. Кояхины тонгымтэллат? Имнам мувы атымнам...

АКСИНЬЯ. Цомы курымны?.. Кояхины тунгымтэлы?.. Тунгмытэтахия — ма тунгымтэлы. Уитсахет, сымнат ма вици вулэм: мыта латны ласк нопыта питлы! Цопынгпи Инэл цивк ол пырны имат чены номыксыта ихем. Атэм-цевк вици вылэ энта волт. Мыта латны пыты тоял. И вот ма невремлам выем цевк ют тэрэм... Ма сахетпамъя, чу ар мыр лахелты ласк юта питта ихув. Ма чены номсам их.. А нунг кулны номыксылын? Тэми мувы чу ласк ют оллэнг?! «Икинам кирехлых, колат куремтэх).

ЗАХАР (алы архи их). Кояхины вулы, ницы чу ласк ют. Кояхины вулы.. Кулны ястылэм, мув мари чу Совет волт. Лух ичахэл Кояки мунл? Чорас ко. Васи чены ястэх. А чорас копалыкны урядник, поп, ляль ях. Мыхи ортыт. Вувкенг-синьченг ях лых палкикны. Кояхины лых покпи питлат?!

АКСИНЬЯ. Ийлэп власть ичи тоял — Совет, Революция!

ЗАХАР. ут мувылыт?! Вувил-я туха цимыл. Вувил энта юхетл...

АКСИНЬЯ. А Арсень-ики?!

ЗАХАР. Атэл ко. Чу атэл ко, куц им ко волмалат, мувылы нок омытл? Энта сот ко вувен. А на лух кураспал ко энта вуилэм.

АКСИНЬЯ. Чака Совет марыхат тэхи ымыл. Инт иомсам сахет.

ЗАХАР суйлых чувал, кучинга канса талтахи ымыл.

МИКОЛА ягу лавнг.

МИКОЛА. Моц ко мэн. Кот он маны кнрехты.

АКСИНЬЯ. А леньчэ муv арет тухэн! Нирхела илы суца, молэпсе илы выя.

МИКОЛА (нирхел соццал сахет). Ангии, а Арсень-ики кояхи?

АКСИНЬЯ. Чит... мэнг луксив. Вонцы волт. Имат им ко.

ЗАХАР. Сак ломэт паны кемнам суц.

МИКОЛА. Ма луват энта вуилым?

АКСИНЬЯ. Энта вуилэ. Инэлхи итаиха аче юха воцнам мынлэн. Вот чу латны Арсень-ики вулэ, И нунг луксонхи ил.

МИКОЛА. Ма ит воцнам лангклэм!

АКСИНЬЯ. Я мыта марн пыкымта. Воих лэки мынта муцы..

МИКОЛА. Ангии, а Паук кояхи?

АКСИНЬЯ. Ш-ш-ш, иттеинам ал намыл арыхле! Ицык То-рам, улынг лув нунг лэвкэн яцыха энта их!

МИКОЛА. Лув чуким... атэм курасив?

АКСИНЬЯ. А-а, лейлгэ тахи энта тоял.

МИКОЛА. Анчки, а Рее... Ре-во-лю-ци-я кояхи? Ленин чут кояхи?

АКСИНЬЯ. Ма номыкытамны, чит инам им ях! Кулэ вылэ, муv ясынг ма Васи монем тух: ит-ийлэп ют нок ат! Сар Вэр-ты авэла курымтылы — нурык ясынгат тул. Чу латны кацынг вар мустымин мыагаты ларнахтылы.

МИКОЛА. Харгур курыхтытыха, ма паныпи нурыхтылым лэйлтя. Ма ях сарнины сихтылем Вэрты авэл, ангии?!

АКСИНЬЯ. Нунгны, пун гны оихтылы!

ЗАХАР. Инам тухи нырехтэх. Пурги, пурги. Муv арет лоньч-явэнгк пит.

АКСИНЬЯ. Чит Вэрты кон олынг лоньч! Лувы питл. Ницы, оихат тул.

МИКОЛА. Ма ийлэп цохатат ичи ланглым. Цохт пырны лыхлэт новит, алы мыта нок люхетахлыт. Лых цохэтнат лю-хетахэлты вар тойлыт? Ангии?

АКСИНЬЯ. А-а, Микола.

МИКОЛА. Тоини, самты, харгур потлы. Чиминг нугины...

АКСИНЬЯ. Я кот тоял. Лух вылэ цохетны энта интлы. (Олты тахи варта рангипэх). Микола, нунг олынты муртана их.

ЗАХАР. Цопынгка, ат кухте мэн. Олынта, Микола,

МИКОЛА. Олынты кицем энтэм. Олымны кулха энты юхтоем.

АКСИНЬЯ. Олынта, Олым юхетл, Олын нунг ях сартины Вэрты кон олынгмит цохета пурымлын..

МИКОЛА. Я-я, олынлым.

Микола нирхел илы выта рангипэх. Захар нимыллал — варты отлал нок выта рангипэх. Акси́нья олты тахи вармин лайхел.

АКСИНЬЯ. Лухи цохт питл. Топпи улынг Вэрты авэл лэки́т-охты́т молекки койхетат энта пон.

Пыты́хлемхи их. А т. Амп ропысты суй. Акси́нья вой най нок вычихлэх. Амп суйнам колы́нтэмин омысл. Мыта мари во́лым пырны ики́л варыхтыта рангипэх.

АКСИНЬЯ. Но кила, колле!.. Харгур ронысл, мытлы юхтем сечл. Колле?!

ЗАХАР (олымхен-соккен куты). Ит коллем..

АКСИНЬЯ. Я нок кила! Ницы, Вэрты авэл? Моц ях.

ЗАХАР (Нок ымыл). Моц ях кунты — моцхе энта мэ́нлыт. Энта имнат инэл лэ́кн тыхнам каримтыт.

АКСИНЬЯ. И муват ат яцыны юлыт?! Пыты́хлем!

ФЕДОР СУЕРИН хотя лавнг. Милелны вэрты тас лар. Э́нтпелны нюр хэрыхны ай пецхан. Сохлал-нюрлал инам лопчы́явэнгк.

СУЕРИН (кот ий самыт тух, лоньчь-янэнгк со́цца их). Пэ́на во́лытэх!... Му́стыл кота ютахи?...

ЗАХАР. Пэ́ча, пэ́ча!...

АКСИНЬЯ. Пэ́ча!..

ЗАХАР (канса ку́цмылтэ́тал сахет). Му́ват энта?.. Ю́ва, ла́вига...

СУЕРИН. Захар кот?

АКСИНЬЯ. Лув, лув кутыл.

СУЕРИН. Мэ́нг ты́т ар ко. Ма э́нта а́тэмнам. (Ухэл кем койл́тэ́тэх, пы́тыхлэм та́хния́м, ви́ккенэх). Ю́ви́тэх. Тэ́хи ю́ви́тэх.

Котя КА́ТЯ курми́мтэх. Лув нырелы кат парти́занхен ня́лхетте́м А́НДРЕ́Й тухкен. Лых пы́релны со́рым ике́лы МИ́ХЕИЧ. Арпы́кт лы́ксы́мэ́т тойлы́т: во́их кницы пецханэ́т, ви́нтова́хэ́т, рево́льве́рэ́т.

СУЕРИН (ай во́лына́м кот вар). Тыхнам, тыхнам тухитны!

Ня́лхетте́м А́ндре́й ай во́лы́ха по́нта ва́ри. Ка́тя тухи мэ́н.

КА́ТЯ (ми́лэл чу ко ох ы́лпия по́нтал са́хем). Ня́чилэ́кки, ня́чилэ́кки...

НЯЛХЕТТЕМ КО (топ колты кимны). Ингк...

КАТЯ (мыхэ ахнам кирехлэх). Ингк волт?

АКСИНЬЯ. Волт. (Ингки кевэл мэй).

Катя нулхеттем ко ингкат яньчелтэл. Суерин нэпэки яв-ремтэм канса куцмылтэта ранчипэх. Па ях суц охтыя ыллэт — кояхи кансакуцмылтэл, кояхи нирсох цохэты илы соцл.

МИХЕИЧ (котхэл пычертал сахет па кот сунг пытынам па кирехлэл). Ох, чет чака пурги! Чимнит посхен тойлым. (пупосхел сасавэнгкилэл) — а котхелам тухи кымлахлэхен!... Ос кунг, Катеринушка, энта пуго?!

КАТЯ. Ма энта. Вот Андрей (Нялхеттем копам мыняхлэх).
НЯЛХЕТТЕМ КО. Ехли...

КАТЯ (им суйнам). Сар пыкемта цымыл. Кота тохты. Им пум варлы! (Мыяхнаам аунгремтэх).

АКСИНЬЯ (икилнам). Най мустымин нок улэ. Потым ях юхтэт.

ЗАХАР. Саеар, шай варта мустел. Най уллэм! (Яхтепнам юхат мэнл).

МИХЕИЧ. Вот чит вар, мыхэ ко. Кеврым шай. Можно и калташиха нык ыхетла! (Яхтепи тухет юх тух). Чимнит пурги —яхлы!

ЗАХАР. Можно ыхеттахи, можно...

Захар чувал пай нок ул, шайнут нык ыхет. Лув кучинглны Михеич пурмыштэл. МИКОЛА нок ымыл, мон яхнам лейлэл.

МИКОЛА. Ангки, чит кояхит? Вэрты авэл ях?

АКСИНЬЯ. Чит... моц ях. Нунг муват нок килэн, Микола? Алынчке кулха энта их. Алынг кухен.

МИКОЛА. Улмым илы рыкен... Ангки, энта чит кояхим?

АКСИНЬЯ. Ястем — мон ях.

МИКОЛА. Пецханэнг мон ях?

АКСИНЬЯ. Ницы, воих моци мынты ях.

МИКОЛА. Ос ими иче?

АКСИНЬЯ. Иче, иче. Лув иче моц нэ.

МИКОЛА. Лых им ях?

АКСИНЬЯ. Атэм моц копи волт? Моц ко виципа им иомыснат котнам юл.

МИКОЛА. Ос Вэрты авэл котты?

АКСИНЬЯ. Энта вулэм. Сар моц ях шай яньчи пырны пырплат.

Катя Микола кучнига суц, сахар нулат мыйтэх.

КАТЯ (им суйнам). Нунг нама кулны, похелы?
МИКОЛА. Микола.

КАТЯ. Воих кница кулха энта рангипэн, Микола?

МИКОЛА. Энта. Ачем ястел, ай вусеи, пецхана энта пык-
лэн.

КАТЯ. А унэлтэхэлта лангклен?

МИКОЛА (алы архи их). Мувылэхи унэлтэхэлта? Лангки
кница ачемны унэлтэлэем.

КАТЯ. Энта воих кницы, а нэпека унэлтыта. Канцантыта,
книга лунгытта.

МИКОЛА. Кояхны унэлтэл? Ачем нэпэк энта лунтэтл —
луw воих кинпел. Апгкем нэпек энта лунгэтл — луw нир ёнтэл.
Кояхины унэлтэл?

КАТЯ. Ит Совет юхтыма, кацынг вар па сахет мыпл. Воил
кницы ях ичи, па сахет волта рангиплэт. Непек лунгэтта
унэллэт. Нэпек канца унэллэт. Ма лыхат унэлтылым.

АКСИНЬЯ (Катя кучинга имыл). Нунг энта вулэ, Вэрты
авэл котты? Луw кулны волт? Кулны юл?

КАТЯ (энта тунгемтэтэх). Вэрты авэл?..

АКСИНЬЯ. Мэнг Вэрты авэл ясынг кулуw. Ийлэп ют авэл....

КАТЯ. Вэрти.ыы (Алы мыта номлахтэтэх). Волт чиминт авэя. Топ лув цымыл лингкамылы, но юхитл. Йилэн ют тул. Кацынг ко кица. Кацынг мыр кица. И Микола кица. Лув имсахет волта и. Школаха янгкилта ил, нэпека-мытлия унлэл. Вот чиминт ласык ют сорха питл.

АКСИНЬЯ. Мув ясынг волт — сорха юхетл?

КАТЯ. Сорха, сорха. Лыхлытны.

МИХЕВИЧ (чувал кучингы). Катеринушка, тэхи юва!

КАТЯ Юлэм, юлэм! (Чувалнам мэнл).

АКСИНЬЯ (похэл авмэхтэт). Коллэ, Микола? Нунг кицахел!.. Ицык Торым, муv мари чи ласык ютат лахлексым!.. Мув мари чи катла Куремтымин вулым! (Миколанам). Нунг опилаенла энта вуйла! Энта помлыла!.. Нунг атыленнам кычен! Атылени-ам! (Похел ылы олтыта ранчинэх). Олынта, олынта, Микола! Алынг кулха энта юхет...

ЗАХАР чувал най нок лакислыл. Лув купигилны Катя паны Михеич.

МИХЕИЧ. Катеринушка, ницы Андрей пуныпал нилыхтыты мурта энта их? Луваты ласыккинык ил. Кунтыпи палытат, энта номлем.

КАТЯ. Пумынг ингк мосл... (Андрея) Ит сар кеврым шаят тулым, Андрей. Лысыккицык ил.

ЗАХАР. Ингк пумлы.

КАТЯ. Таз мосл.

ЗАХАР. Таз?!

МИХЕИЧ (няккетэх). Кантэх ко кунты таз туй? Савыня, самты, волт.

АКСИНЬЯ (волы улигелы). Чувал нымпалыкны савын омысл...

Катя. Кот, кот?!

АКСИНЬЯ. Сасар, маннам кэнлем.

Аксинья ингки савыннат нялхеттем ко кучингнам мэн. Катя пуньта рангипэх. Аксинья паны Михеич луват пыхертелхен. Чут пырны ниам шай еньча ымлыт. Захар ирины канса талмин омысл. Лув кучигила Суерин ымыл.

СУЕРИН. Нунгаты ярмым вар волт, мэхе хо!.. (Мыта мари суйлых умыс). Совет... айхе пихты. Воцны паны нум явын ол-лэнг пухлытны. Кулак тухены лайэх! Контра варым вар! Тетюцкий чорас ко атэм ляль ыкет. Мыцем ях тухе вуй. Паук вон кохе вар. Совет нок ыхетлыт. Совет ях валлыт. Арпыкт атэм урнам. Совет ях явын ингнам аселлыт! Киври высетыл Ар ко тухены пихтыт. Ар большевик! Ар комсомолец! Ар

Совет ко! Совет лыхаты — чорас яха, тасынг яха, неви яха—
цыки энта мустыл. Лых турилны омысл. Чулат Совета лукэт!
Но мэнг, Совет ях, нокпи питлув! Питлув нокпи! (Мыцек цанц
оха эспемтэх). Мэнг мыр тал ях нок нюхтэлув. Мэнг палкива
ар ко юл. Лых, Революцияха вувил энта юхетл! Энта!.. (Мыта
мари суйлых вул). Вот нюла вахлэхув, ляль кары вул. Ий кунв
нялхетты. Лув паны Катя ылы каняхтыта мустыл. Имхи итал
муцы... Юта туты тахи энта тоял. Лэкив кух, лэкив лахирт. Ех-
лы, пурги. Чиминт лэжны лув энта пыкел. Лув Катя авинат тыхе
кэйлы — топ мустымин каняхтэта мустыл. Инцы чи Тетюцкий
мыцем ляль юхетл — улынг энта оихтэхэн!.. Вот чиминт вар,
мэхе ко!..

ЗАХАР суйлых-кийлых кансахел чипрел.

СУЕРИН (пастахе). Ма — партизанет командир Суерин! Мув
кол ястелен, мэхе ко? Нунг кола!

Захар суйлых омысл, канса мулэм аслел. Котна ях инам лу-
ватынам кирехлыт. Куремтыт, мув кол ястел.

СУЕРИН. Совет ях нокпи питлыт! Тунгымтыле?! Ясынг вул,
ыл явын олынг пухлетны Советыт кулха лылнгет! Кулха сара-
кки омыслыт! Инэл партизан отряд ыкетлувпаны инам нэви ях
пуцлых тулув! Колле! Вэрти партизанет ий нэви контрапи тем
мэхны энта кийлыт! Нунг вылэ, мэхе ко энта чорас ко, энта
нэви ко вусын?!

ЗАХАР. Вэрти.. Нэви ко... Ма лыхаты коим мув вар тойлем.
Ма воих кинцы ко. Ма кул-воих моц топ вулым. Лувы Вэрти
ко нэви конат лялексел, лувы нокин или ылпи питл. Ма тухи
коим вар энта тойлым. Лувы лялекселыт, па варты вар энтем
кунты.

СУЕРИН. Сарр!..

ЗАХАР. Мув вар тойлым...

СУЕРИН (пастахе). Как мув вар?! Кулны мув вар?! Чит нунг
вара, нунг! Нунг энта чорас ко? Энта чирты ко? Энта! Нунг...
пролетарьят! Тунгымте?! А раз пролетарьят — чит нунг вара!
Нунг, нунгаты Совет ях пыхертыта мустыл! Совет ях палыкны
лялексыта мустыл! Чит нунг Совете! Нунгаты чорас яхнат паны
Нэви коннат лялексыта мустыл!.. Чены, мэхе ко!

ЗАХАР. Я сарпины тыхе ясте чу Советны ма мув имат вари-
лоем?

СУЕРИН (Луваты ванхи киремтэх). Нунг чит... коты мхен?!
Совет... чит аче мавылат, ангке мавылат тойты ким вара волт!..
Чит кичимпыр нунгаты мосты ут!.. Ос чу Нэви конны мув имат
варынто?! А чорас коны мув поталыят мыйхо?!

ЗАХАР (Нячхи). Нэви кон самат энта вуилэм. Рахпынг коя энта ястылым, мув имат варынтэх... А вот чорас ко вуилым. Чорас коны сильляхат мэл. Нелат мэл. Пецханат мэл. Шаят мэл. Ракат мэл.

СУЕРИН. Советны иймытлыятпи энты мые?! (Нок рыкен). Чены ястыта ланглэн?! Чены?!

ЗАХАР (ухел нюхтех). Ястыта ланглэм...

СУЕРИН. (пастахи). Ах, чены?! Коннам цымыл ропитлен?! Чорас коны цымыл яврило-цокило?! Цымыл?!

ЗАХАР. Нэви коннат мари вулув. Имхи ли атемхи вулув. И ис яхлыв Нэви кониат вулыт...

СУЕРИН. И лухны том торымнам китат! (Лув кот ылнам вар).

ЗАХАР (ох вар). Тухнам мыныт, китат, китат...

СУЕРИН. Ос лунгаты мувылы мосл?! Кона курымтэн?

ЗАХАР. Ит... чу Совет ма энта вуилэм. Лув ины нок ат. Номыса-кола кулха энта юхет. Им ли атем? Кулны ястылы — самат энта вуилэм.

СУЕРИН. Кеш, кеш!..

ЗАХАР. Нунгнам ястен, Совет лальнат панелта мустыл? А нунгнам чорас яхи кунлэн?

СУЕРИН нок вуртемтэх). Ма кунлэм?! Ма-а?! Ма нунгат, ис ют контра, маннам котхиламнат! Пролетарьят котхиламнат! (Котэл ай пецхан кэрэха лук).

Суерина рэрэмтэхен Катя паны Михеич. Суерин уже ай пецхан нок вый Михеич лув котыла лук. Аксиныя икел кучинга кэрамтэх. Партизанет ичи нок лукэт. Захар канса чипырмин суйлыхкийлых омысл.

МИХЕИЧ. Федор, Федор!... Товарищ Суерин!

МИХЕИЧ. Федька, че лыха! Маны там нирымат понло! Нирымат!

СУЕРИН (Михеича кирехлэх). Кояхи?! Мант пирымат?! (Котэл нок выйихел). Илы ыслэ! Сар ма нунгат!..

МИХЕИЧ. Айхе волманны нирымат понхем! Рахепла мавыл! И их нирымат понлэм!

СУЕРИН. Понлэн! Ма энта нунгаты ай от вусым!

МИХЕИЧ. Поныпи понлым котат, номыслых охлых илын кунты. Колле, Федьша?!

СУЕРИН (ай пецхан каняхтех, саклал-паклал мустымин ниремтэх, ылы имыл). Товарищ Михеич! Ма нунгаты энты Федьша паны энты колэх, а компартизан Суерин! Тунгымтэ?!

МИХЕИЧ (нях мучингнат). Вуты вар — командир!

СУЕРИН. Ос командир варя тавкинлэн кунты — отряды илы понлэм! Куц рахем икемво лманат — илы понлэм!

МИХЕИЧ. Малэх, мэхтахи вулых колэх, кулнам мынлэтэх?! Паукны ий тут катыллотэх, охлэн явырэл, алы чучкурек моки-та.

СУЕРИН. Вэрти Суерин нэви Паук кица волт! Чены?!

МИХЕИЧ (ай суят). Чены, чены... Мустымин волта мустыл. Теми паныпи «кис ют контра»!..

СУЕРИН. Я мос, мос.. Совет иллы панам кол колты тахи эн-та тойлым. Паныпи унтам панам ил. Инам тухи кеврымлы.

МИХЕИЧ. (Захар палыкнам ох вар). Лув энта контра, а пы-тыхлэм-молэм хо. Революция нэви тыхи кулха энта юхет. Ины Революция ясынг тыхи сеча их. Чи вар тунгымтыта мустыл...

КАТЯ (Суерина). Михеич цопынг кол ястел. Ий мыта варпи энта вулыт. Тыхи топ яснгыт сечлыт. Ит лых Вэрти авэл лахел-лыт.

МИХЕИЧ. Мув лухет Россия мэх! Цомы курымны чу кол-ясынг кацнынг локияпи юхетл?! И тем яхны кацынг вар тунгы-мтылы. Топ время мосл.

СУЕРИН (Захара). Эх, мэхе ко, мэхе ко — а еще пролетарь-ят вусын!

ЗАХАР (канса рев савэнгктал сахет). Ай пецханнат ит кояхи каньхемтелэн? Нунг кинчахе ысех вусым, ар вар вуилым. То-больск — воцны, Тетюцкий чорас яхны-уц ар имат-атемат лэйлтыт.

СУЕРИН. Энта каньчалтелым. Вот тунгымтэ: чиминт юта юх-тув, чиминт вара. (Мыт мари суйлых аул). Цомы курымны Совет кацынг выс молекки варты вув энта тоял. Кур охтыя кулха мустымин энта пит. Том сарахи нок питтал пырны чут кацынг им вар инам варл. Ар ласык варл!.. А нунг Нэви кон, чорас ях иллы нявымлын. Лых ирхил ит тэрым, тукен. Ютыл мэн.

ЗАХАР. Мы вэрти-нэви ях иллы нявмым. А ярмым вара ил-лы колам кулха энта ястем...

КАТЯ. Эх, улынг Арсений Петрович мынгнат вул!

МИХЕИЧ. Чены, сары ко чут вул! Инэл ко!.. (Ухел ылы асыл). Том торымны лувы имхи волт...

ЗАХАР (курняхлых). Лув куты их? Лув ит котты?

АКСИНЬЯ (каньпахлымин). Куты их?! Коньча их?!

МИХЕИЧ (лахертла). Арсений Петрович... энтемхи их...

ЗАХАР кансахел лулыла энта юхтептетэх, алы айхи их. Ак-
синья нячилэкки икил кучинга ылы пит.

ЗАХАР (Михеичнам колымтэх). Кулны... энтемхи их?!

АКСИНЬЯ. Мувылы... Мувылы нунг ястын?!

МИХЕИЧ. Энтэмхи их... мыта кимны.

Захар пан Акси́нья олынг латны Катя волты палыкнам, чут
пырны Суерина кирехлэккен.

КАТЯ. Пихты.

СУЕРИН. Валы. (Мыцек пычиремтэх).

МИХЕИЧ. Пихтыл, пихтыл!

АКСИНЬЯ. Ицык сангки! Ицык мэх! Теми куты ихет!.. Чиминт
ики вул...

ЗАХАР. Муват пихты?

КАТЯ. Муват?.. Лув лавэнг... Лув лавэнгк, улынг кацынг воих
кинцы ко кота им-чунь юхет. Улынг мэхлат мыр имхи волта
их. Атемлэх-цевэклэх...

ЗАХАР. Чи вар пытаипи ко пахитта мустыл?

АКСИНЬЯ. Мувы мустыл?!

КАТЯ. Пахетлыт. Нэви ях пахетлыт, кояхи лых номсил сахет
энта лайхел.

АКСИНЬЯ. Эй-я, Арсень-ики...

КАТЯ (суйлых волмал пырни). Лув пынг иллахин ичи нявым.
Кичимпырат...

АКСИНЬЯ. (паста) Мув колыт?!

КАТЯ (нячхи). Им колыт...

Инам суйлых мыныт. Захар ухил ылы асылмин омысл.
Мыта мари суй-кий энтем. Пырны ях инам Захарнам кирех-
лыт. Но тыт Акси́нья нюхлых.

АКСИНЬЯ. (ай суят). Ма икемны... нынг яккелын каняхтылэ-
хин.

Ях курымтыт Захар кола. Захар имилнам аунгремтых, чут пырны Суерина кирехлых.

ЗАХАР (саралта). Идем цопынг кол ястех: яхлын каняхтылым. Чены Раз чиминт вар...

АКСИНЬЯ. Лувны яхкем чуминт тахия тулехен — ицык ампыны лэкил энта оихтылы.

ЗАХАР (ютыхты). Энта онхтылы.

АКСИНЬЯ. Арсень-ики... Ницы, лув лувнам мыта грег вар? Мыта нэви ко...

КАТЯ. Мув грег? Мыта ко пахетмал энтем.

АКСИНЬЯ. Им лусксив вул. Им лусксив энтемхи их.

КАТЯ. Ит Совет ийлэп ютны нынг лохесны атлотэх.

СУЕРИН (Захарнам аунгремтэх). Паук котхен кута улынг энта питхен мэнг яккелыв!

МИХЕИЧ (Суерина). Нунг чит куты ихен — кантэх коя энты авеллен?! Торыми энты пыллен? Кунты коантэх ко рахпынг кол ястехел? Мув вар кулны ястел-ухиныпи врлытэх. Чит кухен вуты тахи.

СУЕРИН. Ма чит алы... Сечхи-кечхи. (Захарнам). Яхкелам волты таки улынг иймытлыныпи энта оихты. Энта вул. Ма маннам лынат кинца юхетлым, колле?!

ЗАХАР. Ит ар кол энта мосл. Ий нок нявмым вар...

СУЕРИН. Ма чит чу кица, улынг и нунгнам Паук яциха энта ихен. Лув иймыта копи энта греглыл. Лынат (яхкел волты палыкнам кот вар), нявреме, имемыта копи энта греглыл... Моц лэк тыт ванны, туха кота мавлымтылыт. А варил атем.

КАТЯ. Лых грег энта тойлыт.

МИХЕИЧ. Илых-канлыт томпия мыным утыт. Варил атем.

СУЕРИН. Кулнам тулхила тем яхкен, Захар?

ЗАХАР. Копел тахи волт. Тухнам Паук Гаврилны лэк энта вулы.

СУЕРИН. Ат кукки мэн! Мынты мурта их!

ЗАХАР (кот кун выснам аунгремтэх). Кунил кос аттека мынлы. Йи курымны. Нынг — нынгнам лэкины, мынг — мынгнам.

АКСИНЬЯ (моц яхнам). Ат кукки мэн ылы олынты—тээх. Мыта ко юты суй кунтэхлыл кутны, Харгур ропыста ил. Ма ичи энта олынлым, ики лэкнам тырматыта рангиплым. Суй тунхэхлылым.

ЗАХАР. Кот инэл. Волат талхет. Олытэх.

СУЕРИН. (Мыта мари номыксымал пырны). Чены, Захар. Лавлывпи матыт. Лувы цымал ниньлыт. Моц ях олынта рангипыт.

МИХЕИЧ. Ну, вар нок поны. Нит унгаты ласыккицык ил, Катеринушка. Ляль мувы чут нынг. Па латны чуминт ицык кой-ях энта пыклит, алы морилыт...

КАТЯ. Мая мувылы, пыклым. Пыкым. Вот тем Андрей улынг кур охтыя пахитлы. Вот лув...

МИХЕИЧ Аим-китм, имхи ил... Топпи вот о ко имнам инэл суйвар. Кацынг варны им колнат лаихта мустыл.

КАТЯ. Нынг командир иллы?

МИХЕИЧ. Лув, лув иллы. Айи волмалны имат рахпынг вул. Ма ачил мавылат вулым. Эх, рахпи кырех, тарым ох.

КАТЯ. Ит вар имхи мэн. (Нялхеттем ко шуба, имхи илы пытремтэх). Олынты, Михеич!

МИХЕИЧ. Имия имхи. Чены... Караул волт, можно и вуялтыта. (Олынтэх). Ут волы оллынгны ЗАХАР паны АКСИНЬЯ.

ЗАХАР. Арень-ики энтем. Кулны чены их? Энты тунгымтылэм...

АКСИНЬЯ. Номыксылың, ма мытлы тунгымтылым?

ЗАХАР. Ар атем ясың. Вар панам... Ницы, ийка мынлуз?

АКСИНЬЯ. Кулнам?

ЗАХАР. Вонт томнинам, Лор пухилнам лых яхкилал тута мустыл. Инэл еем волты тахинам. Кухен, Паукны чи лэк энта вулы.

АКСИНЬЯ. Миколанат мин тут мувылы варлымымн? Кацынг ут инам татты.

ЗАХАР. Мувылы варта — волта. Ма вонт томпалыкны воих кинца рангиплым... А инэл лэк ванны. Ницы, нэви ях юхетлыт. Куц мэңг, воих кинцы ях, лыхаты коим вар энты тойлув,

Но кояхины вулы, муv номыснат юхетлыт.

АКСИНЬЯ (няхнат). А кояхи томинт иминат лялексыта номлахтел? (Котхол кун охтыя понхел). Энта ляль ко. Энта вэрти ко, энта нэви ко.

ЗАХАР. Ченны чены — муvылы чиминт импи вахлы. Кояхи лялексыта номлактел? Но, однако, Арсеньики... ичи энта ляль ко вул, а вот пихты... Ма сахетнам, инам мынта мустыл.

АКСИНЬЯ. Мынта?! Пурги, ехлы. Ницы цомы курымны лэ-кны атемхи илым. Чу мурта ил. Кулы ланглы? Яхнат, нялхет-тем конат. Лын олынг латны местаха юхтептыта мустыл. Чиким кух мэх—воит томпия, лор кучинга.

ЗАХАР. Кух мэх, сечхикечхи мытлы энта юетл.

АКСИНЬЯ. (пун пул икил воны ылы вый). Кэчлуv... Юхетлын ягу-мэнг уже колым ко. (Някки). Колым конат кояхи лялексыта номлахтел? Ис суйнат юхетты мытлы кем китлуv. Ницы Вэрти авэл айкол тул, ласыккицык ил... Кэчлуv мэнг...

ЗАХАР. Кэчлытэх кунты...

АКСИНЬЯ. Кэчлуv...

ЗАХАР. А Арсень-ики, кимын, вэрти ях палыкны вул.

АКСИНЬЯ. Вэрти ко вул... Ма сымамны чены тунгемты: Вэрти ях ют — чит ласыкк ют. А нунг чит тунгымтыта куртын.

ЗАХАР. Ма номсан нячилекки янгкилыл. Нунг номса паста. Сырылта мэнл. Ницы и ма номсам сорха Вэрти юта, Революцияха, Ленина юхетл. Чены номыксылым.

АКСИНЬЯ. Куккия пыра ал кэча — энта, инцы, юхетлын юта! (Няхал). Дыплэн пар!

ЗАХАР. Энта, ит-я энта дыплэм! (Ичи ванцел няхны вый).

АКСИНЬЯ. А Микола чуким Арсень-ики вута лавнγκ. Ит ос энтапи вултэх...

ЗАХАР (нячи). Ит ий вэрти коха цымылхи их. Цымылхи ий
...хи ехон

МИКОЛА олты тахилны нок ымыл, самхел нялц.

МИКОЛА. Ангки, ачи, нын муvат энта оллытны?

ЗАХАР. Вуялта, Микола. Ай невремыт олым унны имат аны-млыт. Чут сорха воих-кул лэка лёльлэн. Вуялта.

МИКОЛА. Ат кукки мэн?

АКСИНЬЯ. Кукки, кукки. Вонтыт-рапит лорыт томпия пит. Алынг уже ванами!

ЗАХАР! Мыта кимны кунил кос ателл. Нэвехи ил.

МИКОЛА. Я-я, вуялтелым (олынтэх).

Пытыхлемхи их.

КИМЫТМИТ ЮТ.

Катл яцы. Тулых кот. АКСИНЬЯ иир енмин омысл. Лув кучн-
гилны МИКОЛА юх нюхерл.

МИКОЛА. Ачем котты? Муват лув чимарет энтем?

АКСИНЬЯ. Воих лэкны туха кукки тухи. Сорха юхетл.

МИКОЛА. Амоц, ях мыныт.

АКСИНЬЯ. Мувылы тыт варлыт: мыныт.

МИКОЛА. Ос мант унэлтыта варта иилым ими ичи мэн?

АКСИНЬЯ. Катерина?.. Ичи мэн.

МИКОЛА. Муват лых чиким сорха мыныт?

АКСИНЬЯ. Ар вар тойлыт. Пытхахлыт.

МИКОЛА. Ма номыксым, лых мыта мари тыт воллыт. Мант
ицык нок энта варыхтэн, мыимил латны. Ма лыхаты «им улым
кол» энта ястым.

АКСИНЬЯ. Я мыта мари пыкемта, Микола. Пырхинам туха
ичи коты мынлыт. Чу латны вуллы.

МИКОЛА. Ма олым вуим. Мыным моц, ях тут вулыт.

АКСИНЬЯ. Я ясте, мув олым вуин.

МИКОЛА. Чиминт олым ма кунтапи энта. вуилым. Олынг
латны коллем — цохт суй. Мэнтыв сечл. Самхилам пунцым,
вулэм — нэви-нэви катл. Лыхел туиты мэнг пыриви юл. И ло-
ньч ичи нэви-нэви — ицык сам нок энта алхемыл. Чут пырны
чу руч имилы самама пат...

АКСИНЬЯ. (вартал сахет). Катерина? Лув вул?

МИКОЛА. Лув-лув. Маны паныпи оихты. Лув няхал, ванцел
имат им. Паны нявымтал сечл. Ястел: «Андрей, лейла — Ми-
кола самхил нок, пунц!». А том ко нявым: «Да цои — тыхпи
корыхмал тахи, кантэх похилы!».

АКСИНЬЯ! Чут мыта Андрей?

МИКОЛА. Энта вулэм.

АКСИНЬЯ. Мувы чу нялхеттем куил?.. Чу сахет кунты, имхи
ита их... А сарнам мувылы вул?

МИКОЛА. А Катерина имылы ястел: «Андрей, лув вылэ нок
архахлэл?» Андрей нявым: «О-ос, архахлыталат! Ит-я чака
революция ворогэт пытыл чи юхетл!» Паны чи виккетыл: «Во-
рогэт пытыл юхет, урра!». Паны чи латны ма нок вырыхлем.
Теми нэвехи их, катл юхет.

АКСИНЬЯ (каньпахлы).

А лулнам тухо? Энта вулэм,

МИКОЛА. Энта вулэм, ангки.

АКСИНЬЯ. Нунг энта кэца ихен? Ухен энта кеврым? (Ван
яцал котат пок. Энта кеврым—я энтом. Энта коцы?

МИКОЛА. Энта... Чит вылэ олым пытыны, анчки. Олы м.
АКСИНЬЯ. Олым-я оллым... Катл — чит им. Вот кулнам ту-
хо, улынг? Кулнам?

МИКОЛА. Пырита энта тырмым — нок варыхлым.

АКСИНЬЯ. Я лувы онта. Топ улынг олым атемхи мынгаты
энта кырыхлых.

МИКОЛА. Ма сахетнам, им олым. Имхи мэнув.

АКСИНЬЯ. Лувы имхи кырыхлыл.

Кемым амп ропысты суй.

МИКОЛА. Вэрти авэл?! Ма мэнлым?

АКСИНЬЯ. (колыитэл). Сасар Харгур ырап рапыснат рапысл.
И суй инэл. Пыкэмта, сар.

Авэл оль суй, лав нингкетыты суй. Кур паны вихсуй. Охпи
косипи — паны ПАУК кота корых. Лув пырилы.

ПЕТРУХА. Паук энтпетны ай пецханьт паны коцхит. Акси́нья
нок рэкен паны пингел интэпны палы. Микола ангкил пуца ка-
няхтэх.

ПАУК (Кот ий самат тухтэх). Ил маталы волт?

АКСИНЬЯ. Энта вулэ? Сам энтем?

ПАУК. Энта нунг ами вара... ма самхилам (Потруханам нях
мучингнат). Тыт Пауков Гаврил кацынг ампыны вулы. Вулы па-
ны пыллы. Иван Семенович ижив инэл пунынг ут выты кохэ
вулым. Вот чут время вул!..

ПЕТРУХА. Тухены, тухены — время вул!

ПАУК. Тухены чи!.. Петруха, кот ий самат, ий нюлат тухе
— энтем им мыталы?

Петруха пурехтэх. Чувал томпалык, волю олнгытуцыт нок
лээйл. Паук чувал най ар юхат люньчэ, котхил тухнам нурт.

ПАУК. Иван Семеныч ихив пумнам тармыт. Лых пумынг вэ-
рып-сунгкепыт.

АКСИНЬЯ. Муват чи арет юх, кот найны лылы!

ПАУК. Ал пыла! Мэнг тыт воллыв сахет энта лылы найны. А
пырны... торым мыта палкилнат пынгатынам кырыхлыл. То-
рым мувы, Иван Семенович ихив...

ПЕТРУХА (Паука кэрымтэх). Иймытлыпки-ка энтем!

ПАУК. Ну, мэна — ихив ванэлте!

ПЕТРУХА кемнам мэн.

ПАУК. Акси́нья, ляхетты ут волт?

АКСИНЬЯ (пытмин). Кот тахпи кырыхте — мыт лы вуин?!

ПАУК. Нунг... копкетэлта, чака!... Ляль мурт, ит нялыт тын

энта тойлыт! (Пунгыл палык ай пецханыл лавеслых). Номе Аксинья — копкеэлта!

Охпи палыкки оримтэх. Петруха пыри Иван Семенович Тетюцкий, тушинг-ванынг, кул оцыенг, амп милынг чорас ики ат. АТАМАН. Лув пырылы лялы, банда. Паук атамана рэрымтэх, оцнил илы выта пытертэх паны чувал кучинга омысты тахият вакртэх. Атаман ымыл. Бандитыт послал-миллал илнам минэт паны пумылтэхилта чувала ныптыт. Путыт-анхетнат сахлыппыт. Инам тухи чаххемыт. Паук ТОМКА кучингны кеклыцел.

НЯВЕМТЫ СУЙ. Ляхетта чет ихем!

— Най кучинга асла, мэх охлобля!

— Пыкемта — энта коллын!

— Кав ингел котты? Кав ингел?

— Эх, авэлны кич! Тем курымны тухитны!

ПАУК. Петруха — пасан мыта!

Петруха пасан тух, атаман Кучинга умыттэх. Пасан охтыя лыты ут понлыт, кукэр анхет паны самогон четверть омытлэт.

ПАУК. Кеш! Ал суй выритэх! Иван Семеныч ихив... ясынг тойлыт!

АТАМАН (кукэр инхел нок илем). Вэрты цевнгтэт пуцлых тулув!..

ПАУК. Пуцлых тулув!

ВИХТЫ СУЙ. Пуцлых тулув!

— Инам Совет ях тухнам, тухнам!

— Ыл торымнам, колыта!

— Комсомол ях ал юрыхла! Йи тухнам! Ичи пунлых, ичи пуцлых!

— А комсомол авит, авит... (Кол оленг няхны выи).

Самогон еньлыт. Лыты ота лукэт.

ТОМКА (Паука). А потым ут... энтем?!

ПАУК (тыхнам-тахнам ухил карнил, Петруха самыла куй, ви-кетэх). Петруха — сахелмин! Потым кул!

Петруха ины самогоны кукэр анэх лулнам тух. Паны тухи архи их, мынты кицел энтем.

ПАУК (Петруха). Нунг энта кулэ, ох лух?! Пыллых ихен?! Сар пыл высат варлым!..

ПЕТРУХА (нок вуртемтэх). Ит сар!

ПАУК. Инам лапнгет, кул котыт тахпи кырыхта! Колле?!

ПЕТРУХА. Так чены — Хул хот!

ПАУК.

«Хул, хул». Паста, «хул!»

ПЕТРУХА кемнам вупипых. Паук Томка пылнам мувылы му-
вы мулхел. Лыты суй. Коцхет-пынит чахлаты суй.

ТОМКА (Паука). Анахат пона — кур пытахеламны ехлы!

ПАУК (анех понтал сахет). Мувылыят ланглэн, Томочка, —
пыныпи тулым! Куц мувылы! Шавотда яомым ут энта тоял. Ки-
цын питыл—палык мэхет — сангкит нунгаты тулым. Ит ка-
цынг ут инам мустыл. Мувылы, мосл, Томочка, — вые! Му-

ТОМКА (врэнг нях мучингнат). Нунгнам вые — мувылы ай
тынып! Мантем чуминт энта мосл!

ПАУК. Время волт, ма терымлым...

ТОМКА. Пытхахла, птыхахла! (Врэнг няхнат). Мыта пыра пар
кэчлын!..

ПАУК. Ма урыкками ар дурак волат!.. Пыра кэччи мавыл!

ПЕТРУХА ягу корых.

ПЕТРУХА. Четты, тухем! Ит нок варлем! (Но сарпины кав
ингела лук, чут пырны потым кула). Мэх поталы! (Мулкиитэх,
Паукнам аунгремтемал ырны). Ицык коцехны энта выло! (Му-
вы кул, мувы Паук).

Еньлыт. Лылыт. Нэви конют архет архелыт. Аксиныя варты
утлалам омысл, но мытлыпи энта варл. Микола лув пуцылы
атыхлыл.

АТАМАН (нок люль, банда суйлых мэн). Шша!.. Инам колы-
хел

Суй-кий энтем. Атаман чувал кучинга олынтэх. Па ях волы
олнгытнам лангыт. Мыта марн волым пырны рунгкислыты суй
сечка их. Кот мул яцыха ПАУК паны ТОМКА олынхен.

ПАУК (нях мучингнат). Ихив, тухапи, вупты. Ма нунгат сар
пумылтылым, Томочка! Энта потло?

АКСИНЬЯ. (коретхех). Энта мылем! Йиналыка мэна!..

аук Миколаха лук. Аксиныяны кот палкил урынг интыпаты
Паук ийпа чорикинтэх паны Микола аслэмтэх. Паны китпа лик.
Ай пешханнат.

АКСИНЬЯ (саранг котлы суйнат, ентэм утлал охтынам пит-
тал сахет). Котты вусын, вэрти авэл... ppp-e-e..

МИКОЛА корехтэмин исехтэх. Нэви коплэт вэрта ихэт. Бан-
дитэт кок кэрэмтэт пецханлала лукэт. Тухи суйлых люлет. Топ
ий атаман ицык энта нюхлых. Инам суйлых мэным.

АТАМАН нячиллеки па пунгел палыкнам кирехлых, нячиле-
кки нок ымыл, ухэл энта кирехтэх, а сам олынгат Паук паны-
пи атаман киремтэх.

ТОМКА. Сасар, ал пытахла. Иван Семеныч ихивны мусты-мин сар пумыктыло! Самогонны энта пумытло кунты!

ПАУК (атамана волты палыкнам аунгремтех). Луваты музылы... Рунгкеныхелмин вуимты. Луваты топ пумынг лот паны самогон мосл — чут ицык нынга эта номлахтел! Ма вулем, муv латны муvылы луваты мустыл!

ТОМКА! (чингкетмин). Ар вар вулен...

ПАУК. Ар ли, цымыл ли, а вулем, муv латны луваты самогон мосл, а муv латны нэ!.. Вутам пытан мант кучнгилны тоял. Вот чены, Томочка...

ТОМОЧКА. Я, ланглых ола...

Аксинья паны Микола кемнам мыта ихкен.

ПАУК (атем самат лынаынам ангрымтэх). Кулнам, кул-нам понемтытны?

АКСИНЬЯ. Похам кемнам яникилты муртыла их.

ПАУК. Лувы атылнам мэнл.

АКСИНЬЯ. Охпи лапирт, атылнам энта пунэцлытэх.

ПАЫК. (мыта мари номыксымал пырны). Я, мынытны...

АКСИНЬЯ паны **МИКОЛА** кемнам мэнхен.

ПАУК (Томка кур палык савнкилыл, ванхи олынтэх). Нунг, Томка, куц нама стерва вусын, но им сортен нэ! Нунг инэл сорт нэ! Вот чены!

ТОМКА. Ма чит пунглыхпи вулэм!

ПАУК. Ну, ну... Ма валлоем кунты, кояхия, нунг кэчлын, Томочка? А?

ТОМОЧКА (нях мучингнат). Нунг муv вар тайлын?

ПАУК. Номысны атем. Ма кучигемны вулын, а тыт на мытлыя кэчлын... Мыта сар уц чикпай китло, выс куты их?

ТОМКА. Чут мыта поталыны корыхло?

ПАУК. А ийка улынг нум сангкия юхетмын. Нунглых, ате-лемнам, муvылы тут варлым? Яксенг, самты...

ТОМКА. Муvыны нунг нум сангкия асылло? Цыки ар грег тойлын. Нунг тахе — ыл сангки. Нунг тахе — адны. А нокнам алпи номыкса. Чит руvымма тахи.

ПАУК. А нунг нокнам ланглын, Томочка? А? грег энта той-лын?

ТОМКА. Так... тул-пул сахет нынаты юхтем. Энта лулмым, мытлы энта пихтым ылы. А нэ варт — так бог тухи коим вар энта тоял. Лув ит, самты, па ар варны юхты. Кунты чу нэн-гытнат лоихта.

сечхи-кечхи ыл торыма юхитлы. Ит чака чивул — ухх!.. Явенгк охтыны вэрты лэкит кий — комсомол паны Совет ухны номтахи! Чут пырны киврия пит. Лув олынг латны кулынг торымил Совет омытл Лувы тут вэрты лохислалнат охлыл... Колле, Аксинья? Вот чены мэнг вэрты яхнат нявымлув. Лых топ чимнит кол тунгымтылыт! Паны тем луксым кол коллыт! (Маузер ляскемтэх). Лув имат мынгат пыхертыл, оял им.. (Мыта мари суйлых вул). Выле кулны, Аксинья? Нявымты кицен полт? Ницы, ос мыта ясыпнат ястыло? Кулны ий комсомол, ави, нэпек унылтыты нэ, том торыма юхнл. Ох, им ави вул! Паны чиким аим китымны волым варыл тырым! Авыллын, ицык мантем цаль! Сар мэп! (Рахепиат лалып). Ну, мы!.. Ясте, Аксинья: куты вэрты цевнгтыт каняхтыт. Имнат энта ястыле — так атымнат!

Паук Миколанам нинцехтэх. Анкиллы Микола молекки выи.

ПАУК. Лув кояхи кученгны вар тоял? Ма нучнгемпы?

ТОМКА. О-ос. Раз нум сангкия нитта ланглын. Сар маным яхлана пытаххлын кунты.

ПАУК. Энта пытаххлым. Но куле, нум явын оллынг вэрты ях отряд юл. Мытты, Советыт ийлыпхи омытта рангиплыт. А мынгат па торымнам китлыт. Инам! Ляклыт! Кояхи катылта тырымлыг.

ТОМКА (усипых). Паны? Кацынг коны вулы: отряд юл. Ар пулемет тулыт, ар пушка.

ПАУК. Мувылы «паны»?

ТОМКА. Нунгнам ястын — ма им сортеп нэ.

ПАУК. Ну, ястым.

ТОМКА. А, пуцлых энта мыплым — мыта комиссаришканы вылоем! Нэ лэкны энта ярымлы.

ПАУК (кунигы охтыя нок лук). Я ма нунгат!.

ТОМКА (кэцалта). Ал ола!... Вэрты ях, нэви ях... А как нэ онхтелтэх — так инам ий куррасипыт вустых! Воя-кит!...

ПАУК (олынтэх). Нунг оя, Томка — нэ вусын!

ТОМКА (чингкенг няхнат). Юбка ломта — чут оянгки илын!

ПАУК. Мэх язв-ва!.. Вэрты ях вэрты яхнат, лувы юлыт. Номсынг ко котыла энта пахетлыл. Сар пуклынглал такенлыт. Мэнг муртыв юхетл — нокпи питлув. Ит муv вар атем, — так ихнв ох нанам их. Номсыл атем, ох лухел инам пургехи кирехлых. Инам пытмин номыслых-коллых их — чулат инам суйлых мэп!.. Ухел тул номысны-вын. Ит вэрты отряд юл, Кунта мустыл. А луваты Совет ях комсомол ях мусмых-

тыт. Нюла ярмым арынтыт тынтыта! Чит ийпыхр нокпи пильв нырны чи арынтыт кница мустыл. Энто, туха ихив ох панам их!

ТОМКА. Кунтыхлылтэх — нунг комчилэх энта мынлын! А их чумнит время — и нёл энта цалялыл!

ПАУК. Чимнит варнам лув котыл копык. Грег энта тоял. Чит лувны ма ихим наклада пихты. А кулны сахет — итха муцы энта вулем?! Ма ихем тасынг чорас ко вул. И сары ох, сары номыс туй. Тысыл-вахил рыхемтымал пырны, лувнам луват илы пихит. Ма чу латны прапорщик, ляльны вулым. Германециат лялексым. Ягу юхтем, Иван Семеныч-мантем юхит. Нок мосылтэх. Ястэх, ма луксым пох вусын. Ихин энтэмхи их, ма ит ихни мазылат кэчим! Ихки манг тоя!.. Па коны улынг чик киты, а ма лув тасыл-вахил лахилта рангипым. Лув номсыл-колыл сахет воллым..

ТОМКА. Вола, вола. Нунгнам номыс-кол энта тойлын кунты, вола па ко сахет.

ПАУК (алы мыта энта кўлтэх). Эх, юта питы — кацынг вар ылнам волым палкилы нокнам кырыхты. Инам амп курасивхи ихит — и тасынг ях, и кеняр ях. Энта вуле, мыта палыки сар лавыслылыт. И темит тухнам (Аксинья волы оллынгнам англымтэх). — революция, ласыкк ют, им волым нынг. Кулны нюки кохали энта мослыт. А коцынг кон ютны омыслыт. Куц Вэрты кон. Куц Нэви кон ют. Лых выле иймыта кохапи энта мослыт. А коныта топ пунынг ут, вонтытахмыт, явныт — лорыт мослыт. Тэм мэх тас-вах мосл, а энты тыт волты мыр. Чены вот. А лых чи вар энта тунгымтылыл.. Кояхины кача тэм копыл мэх пул пюхтылы! Мув урып ийлыв ютны нюхтылы! Тасынг ях туха тасынг якки кичлыт. Лыхаты Пауков Гаврилыт мослыт. Лыхлых мувсыр волым нынг?

ТОМКА. А-а, нунглых кулны воллыт!.

ПАУК. Мэх язв-ка!.. Энто, вэрты комиссарыта нунгат энта кийлым, Томка! Чимнит имат ма лыхат энта кийлым! Ха-ха, энта кийлым! Энта мылым!

ТОМКА. Лыхны улынг мытлылых энта кэченто! Сар, матем, сыма вачхи их...

ПАУК. Коль вуле — сымам вачхи ихим тахи?

ТОМКА. Цевыр аплыпхи ихин. Цевыр сымып вусын.

ПАУК. А кояхи цевыр опыл энта тоял? Вот Петруха, вот Дугин, вот инамыт — паны икем апыл тойлыт. Той ихив вар тунгымтылых их, ухел панам, Ка нунг комиссаришкая ку-рымтэх. А на ях кухен цевырхи ихит! Кухен! Инам!

АКСИНЬЯ паны МИКОЛА Ягу атхен. Паук ухел кырыхтэх.

ПАУК. Янгкылытны?

АКСИНЬЯ. Ангкилмын.

ТОМКА (Паука). Нунгаты кацынг моц ястыта.

ПАУК. Чит энта нунг вара!

Атаман самыл нок пунц, сылыслытал сечл.

АТАМАН (мыл суйнат). Гаврила!

ПАУК (яксенг ванцат тухи кэрэмтэх, ухел махилты керител). Колынтэлым. Иван Семеныч! Вынцыл имхи вартэх.

АТАМАН (ланглых олталсахет, нокнам лейлыл). Кенцила, апыл коп-лем!

ПАУК. Кенцлым, кенцлым. Иван Семеныч ихив!

Паук ира мэн. Маузер паны коцхи мустымин пиремтэх. Махилты — кирехлых.

ПАУК (вихел). Петруха! Дугин!

Петруха паны Дугин нок ымылхин, паны саранг нык аингкен. Мустымин кулха энта варыхлыккен.

ПЕТРУХА. Ос мувылы виццем?

ДИГИН. Ма тыттыя.

ПАУК. (пытымтыта вари). Мэх ценгыхтен! Ма нынгаты пейлтылым «виццем»! Теми колхи ны илпинны лель, а?! Мув урып чинат Иван Семеныч ихивны мыеим, а?!

ДУГИН. Ма тыхеллым, копи-тан..

ПАУК. Оллытны, мэх ценгыхтин! Кацынг вар инам валы мынытны, мэх порыхсен! Россия мыным энта вуинты! Том торымны, колыт кучингны сар оллытны! А тем торымны ма ныпат сар олалтылым! Петруха, кояхи ма? Паета!...

ПЕТРУХА (нурықки люлемтех). Штабс-капитан Пауков!

ПАУК. Чены!.. Сар, мыта мари волты пырны, улынг время вул, ма нынаты чминг гвардесуцхен варлым, батюшка

ДУГИН. Чен чи!

ПАУК. Тыт ныната энта партизанет шайка, а сибирь нэви армия!

ПЕТРУХА. Чен чи!

ДУГИН. Чен чи!

ПАУК. Чен! А коль Иван Семеныч ихывны генерал чиминт гвардеецхен варлым, хи тойлытны!

УГИН. Чен чи, господин генерал!

ПАУК. Мэх балда! (Пырнявым). «Енерал». Котты ох луха?!

ДУГИН. Чулкем, чул...

ПАУК. Мос. (Кот равипых). А их: Дугин — кот! Петруха — кул кет, лапынг, амп кот! Инам тахпи кырыхтыта! Совет ях тыхи тута! Онтыкапи лых лэкил онхтыта (Маузер лавыслых). Атаман — мантем! Ма — нынаты! Тунгымтытны?

ПЕТРУХА. Чен чи!

ДУГИН. Чен чи!

ПАУК. Мэнс!

ПЕТРУХА па ДУГИН нурехтеккин.

ПАУК (Аксиньянам кырыхлых). Аксинья, котты нунг Захарка ике?

АКСИНЬЯ. Котты — воих кинэл.

ПАУК. А амп муват ягун?

АКСИНЬЯ. Терым амимувт, ауп время.

АКСИНЬЯ. Терым амп мурт, амп время.

АКСИНЬЯ. Чены, чены. Терым.

ПАУК. (пылтаптымин). Нунг.. копкэлта времянатя! Коль вуле, кояхи нокпи питл?!

АКСИНЬЯ. Ийлып цохт юхет.

ПАУК. Ийлып цохт пит. Чены. Но пурги. Чиминт пургины кояхи воих кинца янгкилыл? Котты Захарка?

АКСИНЬЯ. Чапкасыт.

ПАУК. Кояхинам рахпынг кол ястылын. Аксинья? Номыкса, мувылы лейлыл!... Нины, лис лейлта мэн, а?! Ницы лис луватыят нел, а?!

ДУГИН. Юхет, чут пырны ПЕТРУХА.

ПАУК. Мувылы-с?!

ДУГИН. Иймытлыпи-ка энтем!

ПАУК. Петруха!

ПЕТРУХА (нурыкки люлемтэх). Мытлыни энтем, господин штабс-капитан.

ПАУК. Эх, черт!

АТАМАН олты тахилны нюхлых.

АТАМАН (мыл суйнат). Кен-ца, апыл кол-лым!

Паук кот палы яцыны махилты коримтэх. Ванцыл атамхи их.

ПАУК. (Петруха паны Дугина кирехлых). Мэх ванемхин!.. Мувылны кинцетны!.. Ма нынат сэр!..

Петруха паны Дугин алы айхи ихкин охлып някелхи вархни. Паук ылы мыняхлых, махилты кирехлых паны курыла ихим лаки савын вувнат цоксалтых. Савын охимтэх. Лак охни тулсахет ВЕРЫНГ БИНТ РОСКИТ корхет. Паук чи бинтыт охтыя лангклых люль. Суй-кий энтем. Пырны ылы мыняхлых роскит апсипых паны нячилекки Аксинья-нам кирехлых.

ПАУК (атем нях мучингнат). Аксинья теми мувылы, а? Я им сахет нунг мант вулын! Им колат нунгат пырилым — мыта лэк кухет мыныт, а?! Кулнам мыныт?! (Маузер нок вуй, ентехмин, па кота па понлытэх). Коттыт вэрти цевнгтыт?

АКСИНЬЯ. Илы тухе пецхане — пылтам энтем! Нунг нычгк-тезнта выллым!

ПАУК. (нях мучингнат). Мувы?! Няхма, няхма. Нин, хаенл!»

ПАУК. Мувы?! Чут муват энта пыллын?

АКСИНЬЯ. Чулат... ит нунгнам пыллын. Маки энта чимнит пулын. Ит имат пыллын. Пыта юхитты тахи оихтын!

ПАУК. (нях мучингнат). Музы?! Няхма, няхма. Ницы, кичи-мпыр латны...

АКСИНЬЯ. Маки энта номыксым, мыта латны нунг юта тырмыл. Ит вулем — цопынг нунг амп юта тырыммал тахи.

ПАУК. Ох, Аксинья, цыки ар кол охтена вылын. Энта пыклын. Имнат нок ясте: Котты Захарка? Коттыт Вэрти ко-лыт?!

АКСИНЬЯ. Ма колам ястем!

Аксинья енты утыта мыняхлых. Котылны урынг дитын. Микола лув пуцылг каняхтых. Петруха паны Дугин нячилекки ай волынам пурыхтыккен. Паук, маузернат сттехмин, кот палыны янгкилып.

ПАУК. Энта, кулха энта ясте! Вот кунты иск ястыле, кулнам вэрти цевнгтыт мыныт — чулатны нунгат топимнат асыллув. Нок ястыле? (Люлемтэх, Аксинья кола куремтых). Суйлых омыслын?! А ведь суй варлын! Ма варам вуле! Ма нунгат суят варлым!.. Колынта. Нунг вуле, котты нунг Захарка нке лохс Арсений?! Энта вуле? Так, вие: лув кухен ыл торы-ма пит. Тут лохислала куремтэх. Лахиллдыл. Вот мэнг луват пыхертылув — Совет ях лохнелал лув пырылы китлув!... Так лув киври высн том торыма пит. Нунг номыксылын, ит

АТАМАН (нюхлытэх, пангк мухты) Дур-рак!..

Паук алы айхи их, алы мыта лавыслы. Кот махилты коримтэх. Микола кохрымтэх паны атамана киремтэх-пыи пунгел палкил с арнам кирехтемин люль. Атаман невремнам ухэл кирехтэх. Микола сам ингнат алы суйлых мэн.

АТАМАН (ий сам нюхтэх, мыл суйнат) Лувнам... колал...

ДУГИН (кот мулна торым корынам аунгремтэх паны котыл байксыта нок ылым, паста нявым). Царство Небесно...

Атаман кот вар. Петруха шубанат луваты киремттэх. Атаман ломтексых паны кемнам мэн. Лув пырелы банда вуви-лых.

ПАУК суй. Най купытта!... Лыты отыт—выта!..

МИКОЛА исты суй. Харгут ропыс ты суй. Вих панты левыты суй. Лав авэл оль суй.

Пытыхлемхи их.

Нэви лар Микола яциха их. Лув потмин тырымта их. Сохнюр пырит ломытхиил. Пырны чувал кучинга вингк, лакмыт пухелт. Но най энтем.

МИКОЛА (исынг турнат) Анг-ки-и!.. Анг-ки!.. Нунг муват мант киин? Ма потлоем, анчки! (Суят колынтехелт). Чувал-ики, котты нунг пумынг ныин?! Нунг кулы каняхте кеврым ныин, чувал-ики?! Куц ий най сулят мыя мант, чувал-ики!

Ии най сулят! (Лакмыт пухел). Колле, чувал-ики? Най мосл! Пум мосл. Микола суят колынтэл. Суй-кий энтем. Ингк тойты нурынг савыннам вангкел. Савын пытыны штык выс. Ингк энтем.

МИКОЛА. Ангки... Ачи... Ингк! Ингкат мыиттэх! Нурынг савын-ими, котты нунг ингка?! Ингкат мыя, нурынг савын-ими! Ий ингк самат!.. Ий!.. Кояхины чит высат варо?! Кояхины нелхетто! Ангки! Колынтел. Суй-кий энтем.

МИКОЛА. Ангки, ангки! Ма патлоем, ангки! Ма чи павлоем, ангки! Анг-ки-и!.. Ма нунгат най пумат кинлем... паны нунг нок ымыллен! Нунг выле нок ымыллен чу латны, ангки?! Ма нунгат най пумат ит кинлем... Микола чувала волты палыхнам котхил нурт. Чилатны охпи конынгны мытлы нарпим суй кунтехлэх. Тунам мэн. Охпи выснам кот тух.

МИКОЛА. Харгур, чит нунг?! (Амп нингкелты суй). Нунг чит кулнам ванглен, Харгур? Котнам ванглен? Лыта ихен? Потта варо?.. Нунг чит куты варо?! (Котыл пырхи косипых, лейллэтэх). Теми мувылы?! Выр! Ухенны выр! Нунг куты варо, Харгур?! (Пуц пырхи илнам пурлик-сыта рангипэх. Вырынг котел

номын тойлытэх). Анги! Ачи!, нунг кунты юхетлын? Кунты...

Амп кичимпырат нинглемтем суй. Микола кот палынам корых. Пытыхлемхи их.

Най нэви лар вонт нок кутлыптэх. Ленъчъ. Лав авлет. Атаман, Томка, Паук. Ирны Петруха, Дугин паны па бандитыт. Юхет томпии пецханынг Захар ат. Ийлота мыта кимны люль.

ПАУК. (виккетэх). А-а, Захарка луксем! Пэча вола, выс куты их!

ЗАХАР (лахиртла). Пэча кунты.

ПАУК. Нунг чит муv тахины пореньхелтехлэ, а?!

ЗАХАР. Вонтнам янгкилым. Воих кинцем.

ПАУК. Мыталы котхиина кута пит?

ЗАХАР. Энтемытлы.

ПАУК. Энтемытлы?! Чены кунты, нунгнам ма котхилам кута питын, Захарка луксем! Ха-ха-ха!.. Чи арет ляль ко тойлым (пуцнам кот вар) — ит кулнам ланглын!

ЗАХАР (оймакки). Ит-я кулнам.

ПАУК. Нок ясте: кулы вэрты цевнгтыт каняхтэн, а?!

ЗАХАР (саралта). Нунг олынг латны ясте!

ПАУК. Мувылы нунгаты ястылы?.. Я-я, чены сахет, ий варая варлем...

ЗАХАР. Ит ясте: Арсень-ики нунгны пихты?

ПАУК. Ну, мань пыхырты! Вэрты ях том торымнам инам ма котхилам куты мынлыт. А кулны сахет вар вул, мань мустымин Аксиньяха ясты. Кунты оихтыле ястылтэх!

ДУГИН (мулхел, котыл алыммал энта вуйтэх). Царство ей...

ПАУК (колыл тыхемтэх). Цыц, кержак цев!.. Ма нунгат!..

Дугин канчикентых, кот аслмтэх.

ЗАХАР (Дугинам аунгремтэх). Мувылы?! Лув муvылыяят?!

ПАУК (ох кучингны пант вар). Тем кержак... ухил панам. Тулмылты.

ЗАХАР Аксинья?!

ПЕТРУХА (илнам кирехлых) Чены... лув панам (Дугин волты палыкнам ох вар).

ПАУК. Ну, Захарка: коттыт вэрты цевнгтыт?! Нок ястыле-асыллым нунгат! Куц инам нилы торым сунгнам мэна! Куц торым вахнам лыхла! Топ Совет ях мантем мэя! (Курымтым самнат Захар-нам лейлл). Ну, муvлы ос пунгаты мосл? Арсений иллы ястым. Ос муvлы мосл?

ЗАХАР. Ит мос. Мос.

ПАУК. Кола яста. Вэрты ях лангым выс нок ястлые-лилынги

воллын!.. Мувылы, кола трмыт?! (Захар ича курым вар). Котты нунг кола?!

ЗАХАР. Ит... тытты ма колам!.. Захар пецхан нок илмыхтэх паны Паук, лик. Банда ях лыксым-лала лукит. Ях муй, пецхан суй. Захар сарнам ий курым вр, пецханэл элы асыл, катл какинты палыкнам кирехлых. Вэрты нэви паны пыхты нюла выхелхен.

Бихты суих. Лангты выс энтем!

— Лыхлынг, лыхлынг еныкны! Лынган выитн!

— Энта мэнл« Куи, куи!.. Паук мавлыла лук. Ылнам мыняхлыта их. Луваты Томка паны Петруха киремтехкен.

ПЕТРУХА. (Паук кота китл) Авэла, авэла тулы...

ПАУК. Цыц!.. Ал нюхалта!..

(Нурыкки лельча куц выримтэх, но ий ылнам-ылнам талта вари). У-у, валоем!.. (Томкаха самыл куй). У-у, стерва.. энта термым... нунгат... юта. Паук корых Бандидытыт пырхи волты палыкнам понымтэт. Вих суит. Верты ях!.. — Партизанэт юлыт!.. — Комиссарыт юхтыт!.. Бандитыт архинам нурыхтыт.

АТАМАН (яхлал пырхи тортапэххиел). Стой! Стой, гады! Суит. Вэрты комиссарыт! — Вэрты авлыт!

— Вэр-ты!..

АТАМАН. Мерзавцы! Атаман кейтэх! (Яхлал пыри понымтэх). Ма нынгат сар! Мерзавцы!

Суит. Вэрты партизаныт! — Вэрты-ы!..

Банда пант. Вэрты партизаныт атыт. Кохеллыт неви ях пыри.

СУЕРИН. (Михеич кучингны ий лота люль). Котты Захар? Вые?

МИХЕИЧ. Захар пит Пыхты мэнг Захарив.

СУЕРИН. И-эх!..

МИХЕИЧ, Вишь, молах ко вул... (Хот вар). Я ит-я мувылы?

Суерин паны Михеич сарнам нурехтеккин. Лын пырины Катя, Андрей паны па партизаныт атыт. Пецхан суит-уцыт айхи ита ихит. И тыт вэрты флагент вэрты авэл ат.

ЭПИЛОГ

Сцена улты пыхты авэл мэнл. Кохелты, вихты паны пецхан суит. Бандидытыт кухлыт. Мыта мари волым пырхи волы палыкнам вувипыт. Нюла выхлыт: нэви паны пыхты, вэрты паны пыхты.

ОЛЫНГМИТ КО. Нунг котты вусын. Революция вэрты авэл?!

КЫМИТ КО (нялыкнат). Вэрты авэл воц корны нок ниремты! Воц корны илы ляхемты!

ОЛЫНГМИТ КО. Энта, вэрты авэл нок энта ниремтылы!

КИМЫТМИТ КО. Вэрты авэл вонт лор явенгка путы! Лув лонь-
хи-явенгки их!

ОЛЫНГМИТ КО. Энта потлы! Лув цыкм, ар импум тоял! Лув
пумыл ар ола-юта мос!

КИМЫТМИТ КО. Верты авэл вонт пай унны цукки саври!

ОЛЫНГМИТ КО. Лув лаимны энта паллы! Куцыхны энта вы-
лы!

КИМЫТМИТ КО. Вэрты авэл илы саври панная пылькахты!

ОЛЫНГМИТ КО. Лув и найны энта канлы!

КИМЫТМИТ КО. Вэрты авэл вонт унны ылы лики!

ОЛЫНГМИТ КО. Лув и нелны энта вылы!

КИМЫТМИТ КО. Муват нелны энта вылы? Ит нел канлых ут
энтем!

ОЛЫНГМИТ КО. Лув нопел кух-чулат нелны энта вылы!

КИМЫТМИТ КО. У-у, муват ноптел кух? Муват?!

ОЛЫНГМИТ КО. Лув кух ноптеп вэрты Революция ясынг тул!

КИМЫТМЫТ КО. Контытявныт кухет пыхты пирнахенг пыхты
авэл юл! Вэрты авэл мавылат—пыхты авэл! Верты лэк мавылат
— пыхты лэк!

ОЛЫНГМИТ КО. Пыхты авэл тем мэхэ энта алхемэл! Цыки
пыхты, цыки лахирт! Цыки лахирт, цыки пыхты!

Суин ий халхи ита их.

КИМЫТМЫТ КО. Ал лихлытны, ал лихлытны, ал лихлытны
вэрты авэл!

ОЛЫНГМИТ КО. Лихлытны, лихлытны вэрты Революция вэ-
рты авэл!

ЗАНАВЕС.

КОНТРОЛЬНЫЙ ЛИСТОК
СРОКОВ ВОЗВРАТА

КНИГА ДОЛЖНА БЫТЬ
ВОЗВРАЩЕНА НЕ ПОЗЖЕ
УКАЗАННОГО ЗДЕСЬ СРОКА

Колич. пред. выдач

3 ТМО Т. 3.600.000 З. 1058—91



77952004

Окружная библиотека

~~5-00~~

1-00